



Saksframlegg

Sakshandsamar:	Kultur- og sørvistorget		Anne Dahle Austrheim
Arkivnr.:	19/1023	Dokumentnr.:	19/7030

Eldredag 2019

Saksopplysningar:

Bakgrunn

Generalforsamlinga i FN utpeika i 1990 i ein resolusjon 1. oktober som den internasjonale eldredagen. Dagen vart første gong markert 1. oktober 1991. Kvart år bestemmer FN eit tema for dagen, tema for eldredagen 2019 er ikkje sett enno.

Eldredagen har gjennom mange år blitt markert med arrangement i Radøy, der eldrerådet i samarbeid med frivilligsentralen har stått for gjennomføringa. Det er tradisjon for å servera eit måltid, ei helsing frå ordførar eller varaordførar, musikk, song, ord for dagen, og ein hovudpost der ein innleiar held ein tale eller eit kåseri til forsamlinga. Arrangementet har hatt sin faste plass på Smiths møte- og selskapslokale.

1. oktober er i år på ein tysdag.

Det er siste året Radøy er eigen kommune og det er verdt ei ekstra markering av dette på eldredagen.

I tillegg til denne festen har eldrerådet stått for ei markering med appell og song og musikk på Velferdssenteret. To personar frå eldrerådet har pleid å ha ansvar for dette, og arrangementet har vara i om lag ein time.

Forslag til arbeidsliste ligg ved som eit utgangspunkt for planlegginga av eldredagen.

Konklusjon

Eldredagen vert markert i Radøy kommune tysdag 1. oktober 2019.

Rådmannen sitt framlegg til vedtak:

Eldredagen vert markert i Radøy kommune tysdag 1. oktober 2019.

Vedlagte saksdokument:

Forlag til arbeidsliste 2019

145777 29.04.2019

